

SCRIPT OF EVENING GOJRI NEWS BULLETIN 16JULY 1700 HRS

ایویننگ گو جری نیوز بلیٹن مو رخہ 16 جولائی 2025

یوہ آکا شوانی جموں ہے غلام سرور تے نصرت تیں خبر سُنو۔

HEADLINES

۱۔ حکومت نے 21 جولائی تیں شروع ہون آلو مانسون اجلاس تیں پہلاں آل پارٹی اجلاس طلب کی۔

۲۔ کانگریس لیڈر ملک ارجن کھڑگے تے رابول گاندھی نے وزیر اعظم نریندر مودی تیں آئندہ مانسون سیشن مانہہ جموں کشمیر ناہہ ریاست غو درجو بحال کرن ور اپیل کی۔

۳۔ وزیر اعلیٰ عمر عبداللہ نے خواتین کی سستی صحت کی دیکھ بھال ناہہ فروغ دین بارے جموں مانہہ منصوبہ 13-13 غو افتتاح کیو۔

۴۔ مرکزی وزارت ڈاخلہ نے جموں کشمیر مانہہ تعیناتی واسطے سی آر پی ایف کی 20 نوی بٹالین بنان کی منظوری دی۔

۵۔ اکھنور پولیس سٹیشن ناہہ سال 2024 مانہہ بہترین کارکردگی ور وزارت داخلہ غی جانب تیں اعزاز دتو گیو۔

GOVT ALL PARTY MEET

حکومت کی طرفوں پارلیمنٹ غا مانسون اجلاس تیں قبل اتوار ناہہ کل جماعتی اجلاس طلب کی وگیو ہے اس میٹنگ مانہہ حکومت پارلیمنٹ غ ادواں ایواناں گا کام کاج ناہہ یقینی بنان بارے تمام سیاسی جماعتاں تیں تعاون طلب کرے گی تاہم اس طرح مانسون سیشن اس مہینہ غی 21 تاریخ ناہہ شروع وے گو۔ تے اگلا مہینہ غی 21 تاریخ توڑی جاری رہے غو۔ سیشن غے دوران کئی اہم قانون سازی ور بحث تے منظوری بارے لیو جانو ہے۔

CONGRESS JK

کانگریس صدر ملک ارجن کھڑگے نے قائد حزب اختلاف رابول گاندھی نے وزیر اعظم نریندر مودی ناہہ خط لکھ غے مرکز ور زور دتو کہوے پارلیمنٹ غا آن آلا مون سون اجلاس مانہہ جموں کشمیر ناہہ مکمل ریاست غو درجو دین بارے قانون سازی کریں اس خط مانہہ کانگریس پارٹی نے زور دتو کہ جمہوری حقوق غا تحفظ تے جموں کشمیر غا لوکاں کی امنگاں ناہہ پورو کرن بارے ریاستی حیثیت کی بحالی مچ ضروری ہے۔ اس بارے جموں کشمیر غا وزیر اعلیٰ عمر عبداللہ غو کہنو تھو۔

CM HEALTH CARE

وزیر اعلیٰ نے اج نیشنل ہسپتال جموں مانہہ پروجیکٹ 13-13 غو افتتاح کیو جس کی وجہ سنگ خواتین ناہہ سستی ت معایری صحت کی دیکھ بھال فراہم کرن بارے ایک افتراعی قدم ہے اس منصوبہ تیں سماجی و اقتصادی پس منظر مانہہ خواتین واسطے ضروری طبی خدمات تک رسائی مانہہ نمایاں بہتری کی توقعو ہے۔ تقریب سنگ خطاب کرتا واں وزیر اعلیٰ نے صحت عامہ گا نظام ناہہ مضبوط بنان مانہہ اس طرح غا اقدامات کی اہمیت ور زور دتو تے صحت کی دیکھ بھال ناہہ یقینی بنان تے قابل رسائی بنان مانہہ ہسپتال کی کوششاں کی تعریف کی اس موقع ور خطاب کرتا واں وزیر اعلیٰ غو کہنو تھو۔

CABINET KRISHI YAJANA

مرکزی کابینہ نے زرعی پیداوار نانہہ مزید تقویت بارے وزیر اعظم دھن دھینا کرشی یوجنا نانہہ منظوری دتی ہے کابینہ گی میٹنگ تیں بعد اج نویں دہلی مانہہ ذرائع ابلاغ سنگ تفصیلات دیتا وان اطلاعات ونشريات غا وزیر اشونی ویشنو نے کہیو کہ اس سکیم کے تحت ملک مانہہ 100 ضلاع گی نشاندہی کی جے گی۔ جہیڑو 3 اشاریہ ور مبنی کہٹ قرض گیتقسیم وزیر نے کہیو کہ اس سکیم غ تحت ملک غا 1 کروڑ 70 لکھ کسانان نانہہ مدد لبے گی۔

YATRA FAKE NEWS

شری امرناتھ جی یاترا 2025 بغیر کسی رُکاوت غے جاری ہے تے یاتری بابا برفانی غ ارشن سکون سنگ کرربیا ہیں کشمیر غا صوبائی کمشنر نے اج آ چوٹھی خبران نانہہ غلب قرار دتو ہے جہیڑو سماجی میڈیا ور چل رہیو ہے کہ یاترا روک دتی گئی ہے انہاں نے دسیو کہ 15 جولائی توڑی 2 لکھ 34 ہزار تیں متہ یاتری درشن کرچکا ہیں دوئے رستاں تیں اج وی یاترا بغیر کسی خلل غے جاری ہے ذرائع ابلاغ تیں کہیو گیو ہے کہ کسی وی خبر نانہہ نشر کرن تیں پہلاں سرکاری ذرائع تیں تصدیق کریں عوام نانہہ مشورو دتو گیو ہے کہ یاترا تیں متعلق درست تے بروقت معلومات واسطے صرف سرکاری ذرائع ور پروسو کریں۔

MHA BATTALIONS

مرکزی وزارت داخلہ نے جموں کشمیر مانہہ تعیناتی واسطے سی آر پی ایف غی 20 نویں بٹالین بنان غی ابتدائی منظوری دے دتی ہے جس مانہہ 20 ہزار تیں زیادہ اہلکار شامل ویں گا آکاشوانی جموں غا نامہ نگار غے مطابق یوہ فیصلو 22 اپریل نانہہ پہلگام حملہ تے آپریشن سندور تیں بعد لیو گیو ہے وزارت خزانہ اس تجویز نانہہ پہلاں ہی منظور کر چکا ہیں تے جلد ہی مرکزی کابینہ غی منظوری متوقع ہے یاہ نویں بٹالین جموں کشمیر غی حفاظت غی ضروریات غے مطابق جدید صلاحیتاں تیں لیس ویں غی اُن گو مقصد قانون و نظم نانہہ مضبوط کرنو انداد دہشت گردی آپریشن مانہہ مدد کرنو حساس مقامات غی حفاظت تے مقامی پولیس غی چیکینگ مانہہ مدد کرنی ہے۔

AKHNOOR POLICE STATION

اکھنور پولیس سٹیشن نانہہ سال 2024 مانہہ شاندار کارکردگی ور وزارت داخلہ غی جانب تیں اعزاز دت وگیو ہے مرکز ی وزارت داخلہ غی سالانہ درجہ بندی مانہہ جموں کشمیر غو بہترین پولیس سٹیشن قرار دتو گیو ہے پولیس غا ڈائریکٹر جنرل نلین پرہات تے جموں پولیس غا انسپکٹر جنرل بہیم سین ٹوٹی نے سٹیشن گو دورو کیو تے بہترین کارکردگی غو سرٹفکیٹ دتو۔ یوہ اعزاز اکھنور پولیس سٹیشن غی شاندار کارکردگی عوامی خدمت غا عزم تے اچھی پولیس کارکردگی غی تعریف کریاہ کامیابی جموں کشمیر پولیس غی قانون و نظم برقرار رکھن تے کمیونٹی غی خدمت غا عزم غی عکاسی کرے۔ ذرائع ابلاغ سنگ گل کرتا وان ڈی جی پی نلین پرہات نے اس طرح کہیو۔

BUDGAM POLICE

دہشت گرد تنظیمیں غے خلاف ایک بڑی کاروائی غے دوران بڈگام پولیس نے پاکستانی مقیم دہشت گردان تیں منسلک ترے جائیدادان نانہ ضبط کرلیو ہے۔ جہڑی کہ کھاگ۔ چیاو بیروا تے برونئی خان صاحب مانہ واقع ہے یوہ قدم علاقہ مانہ سرگرم دہشت گردان غی معاونت کرن آلا تنظیمیں نانہ ختم کرن غی کوششان غو حصو ہے۔ پولیس حکام غو کہنو ہے کہ اس طرح غا اقدامات دہشت گردان نانہ مالی سہولت فراہم کرن غا نظام نانہ ختم کرن واسطے کیا جارہیا ہیں جہیرا دہشت گردان نانہ پیسہ تے سہولیات فراہم کریں جموں کشمیر پولیس نے اس عزم غو اعدادو کی ویے کہ علاقہ مانہ دہشت گردی غی حمایت تے سہولیات مانہ ملوث تمام افراد غے خلاف سخت کاروائی کی جے غی۔

BHAL PADRI FESTIVAL DODA

ضلع انتظامیہ ڈوڈہ جموں کشمیر غا اگلا بڑا سیاسی مقام غا طور ور اُبھرن آلا اونچائی آلی بھل بدری سبز دار میدان نانہ فروغ دین واسطے پوری طرز سنگ تیار ہے محکمہ سیاحت ڈوڈہ ضلع انتظامیہ غا تعاون سنگ 20 جولائی 2025 نانہ بھل بدری بھلیسہ مانہ بھل بدری تہوار غو انعقاد کیو جارہیو ہے تاہم اس فیسٹیول مانہ فن رن اکو واک، لوک ناچ گوجری لوک گیت تے تغ آف وار مقامی تے تسلی خوراک وغیرہ کی جھلکیاں شامل ہیں یاہ غیر دریافت شدہ اپنا منفرد بناتات بارے مشہور ہے محکمہ سیاحت نے سیاحان تے مقامی لوکان نانہ اس کی قدرتی خوبصورتی تے متحرک قبائلی ثقافت غو تجربو کرن بارے دعوت دتی ہے تے بھارت غا شارپ شوٹر چین سنگھ غی طرفوں ایک پیغام مانہ اس طرح کہیو۔

WEATHER

محکمہ موسمیات نے 16 تے 17 جولائی نالے 21 تیں 23 جولائی غے دوران جموں کشمیر مانہ شدید بارش اچانک سیلاب آن تے مٹیکھسکن غا خدشات غا حوالہ تیں ایک ایڈوائزری جاری کی ہے محکمہ غی طرفوں جاری کی گئی احتیاطی ہدایت مانہ نچلاں علاقان تے حساس علاقان مانہ اچانک سیلاب مٹی گا تودا تے پہاڑی علاقان مانہ پتھر پین غا امکانات بارے کہیو گیو ہے۔ ندی نالاں تے دریاواں گا پانی غی سطح مانہ اضافو ہون غی وی توقع ہے۔
